

SOBRI MASS HAF

Fundu di Asisténsia pa Proprietáriu di Kaza di Massachusetts (Mass HAF) sta disponíbel pa proprietáriu di kaza ki teni ses pagamentu di ipotéka atrazadu pamodi pandemia di COVID-19. Si aprovalu, famíliás ta fika ilijíbel pa resebe ti \$50,000 en asisténsia. Objektivu di HAF é privini izekuson ipotekáriu y dizalojamentu di proprietáriu di kaza ilijíbel. Mass HAF é finansiadu pa American Rescue Plan Act (Lei di Planu Merkanu di Rikuperason Ekonómiku) (ARPA).

Dipos di dia 30 di junhu di 2023, Mass HAF ka ta aseita más ninhun kandidatura.

Apartir di dia 1 di julhu di 2023, programa di Asisténsia Rizidensial pa Famíliás en Tranzison (RAFT), finansiadu pa Stadu, ta sta disponíbel pa dónus di kaza di rendiméntu baxu ki sa ta kóre risku di izekuson di ipotéka. Na kel altura la, dónus di kaza ki ta kualifika pode kandidata pa RAFT através di [Portal di Asisténsia na Pagaméntu di Abitason di Imerjénsia](#) di Dipartaméntu di Abitason y Dizenvolviméntu Kumunitáriu.

Bu pode kualifika pa Mass HAF si:

- ✓ Bu ten y bu ta mora na un kondomíniu, kaza unifamiliar, kaza 2-, 3- ò 4- propriedadi familiar na Massachusetts
- ✓ Bu sta atrazadu na pagamentu di bus di ipotéka ku peloménu 3 mês
- ✓ Bo ò algun algen na bu agregadu familiar nhos rendiméntu diminui, ò kustu di vida omenta, dipôs di 21 di Janéru di 2020 pamodi di pandemia di COVID-19. Kel-li ta inklui perde trabadju, ménus óras di trabadju, paga más pa kuidadus di kriansa, duénsa, ò sta inkapaz di trabadja pamodi bu tinha ki toma konta di un ménbru familiar
- ✓ Bu ta kunpri [limiti di rendiméntu di programa](#) (limiti di rendiméntu é 150% di AMI - rendiméntu midianu di ária)

Y SI N DEBE MÁS DI \$50,000?

Mass HAF ta paga ti \$50,000 y bu entidadi di sirvisu PODE OFERESE un planu pa djuda-bu rukupera kel montanti ki resta ki bu sa debe. Bu entidadi di sirvisu é kenha ki bu ta paga ipotéka.

MODI KI MASS HAF PODE DJUDA-M?

Si bu aprovalu pa Mass HAF, bu ta resebe asisténsia pa faze pagamentus atrazadu di ipotéka. Si bu tene tanbê pagamentus atrazadus na inpostu di propriedadi, suguru, ò taxa di kondomíniu/proprietáriu, bu pode resebe asisténsia adisional.

N TA RESEBE DINHERU DIRETAMENTI

Nau. Si bu aprovalu, dinhéru ta bai direktamenti pa bu entidadi di sirvisu di enpréstimu ipotekáriu (inpreza ki ta resebe pagamentus di ipotéka) Bu ta ser informadu di kuantidadi di asisténsia ki sta oferese y modi ki foi uzadu.

N TEN KI DIVOLVE DINHERU DI VOLTA?

Nau, KEL asisténsia li é un subsídiu, é ka un enpréstimu. Bu ka ten ki divolve dinheru di volta.

MODI KI N TA KANDIDATA?



Kandidatura é online. Sabe más y kandidata na massmortgagehelp.org. Tanbê bu pode kompleta un pikenu rastreiu pa odja si bu ta kualifika.

Dipos di dia 30 di junhu di 2023, Mass HAF ka ta aseita más ninhun kandidatura.

Apartir di dia 1 di julhu di 2023, programa di Asisténsia Rizidensial pa Famíliás en Tranzison (RAFT), finansiadu pa Stadu, ta sta disponíbel pa dónus di kaza di rendiméntu baxu ki sa ta kóre risku di izekuson di ipotéka. Na kel altura la, dónus di kaza ki ta kualifika pode kandidata pa RAFT através di [Portal di Asisténsia na Pagaméntu di Abitason di Imerjénsia](#) di Dipartaméntu di Abitason y Dizenvolviméntu Kumunitáriu.



Pa informason jeral sobri Mass HAF ò novidadis sobri bu kandidatura, txoma Sentral di Atendiméntu di HAF pa númeru di telefóni (833) 270-2953, di Segunda-Sésta, di 10:00 di palmanhan pa 8:00 di noti (sirvisus di intérpriti sta disponíbel). Bu pode tanbe trabadja ku un ajénsia di akonselhaméntu sobri abitason sên fins lukrativu, ki pode djudá-bu kandidata. Bu ta atxa un lista di ajénsias di akonselhaméntu sobri abitason lisin: www.massmortgagehelp.org

Si bo ò algen ki bu konxe sa ta pasa pa un krizi di saúdi mental y/ò bu sa ta pensa na suisídiu (mata kabésa), pur favor txoma ò manda un mensaji di testu pa 988, ki é númeru nasional di suisídiu y krizi. Linha di Apoiu 988 pa Suisísiu & Krizi sta disponíbel 24 óra pa dia, 7 dia pa simana. Bu pode tanbe utiliza funson di konvérsa na pájina di internéti: <https://988lifeline.org/contact-the-lifeline/>

Si bu kre fala ku prufisionais kualifikadu pa avaliasons di saúdi mental y/ò indikasons rilasionadu ku saúdi mental, bu pode kontakta Linha di Apoiu pa Saúdi di Konportaméntu di Massachusetts, é sô txoma ò manda un mensaji di testu pa 833-773-2445 (BHHL). Kel linha di apoiu sta disponíbel 24 óra pa dia, 7 dia pa simana. Bu pode tanbe utiliza funson di konvérsa na pájina di internéti: <https://www.masshelpline.com/contact/>